



Imanol Lazkano

Ama

1

Ludi hontako izaki oro
nahi bada erne ta errotu,
amarengandik izan behar du
bestela ez ezinda lortu.
Gailu denetan gailurra dela
beharko zaio aitortu.
Esne zipriztin bat jaso eta
handik izakia sortu.

2

Amaren barru sakratu hori
ulertzen ez da erraza,
bertan baikinik ezerezetik
zerbait izatera pasa.
Berdin landare, arrain, hegazti
ta hainbat abere arraza.
Zalantzik gabe ama da beti
izadiaren arnasa.

3

Bide hortatik egin genuen
ludi hontara jauzia,
baina haseran hain zen deuseza
gure gorputz biluzia.
Zilbor hestea eten da gero
behar genuen guzia
amaren bihotz xamurra beti
gure beharrei josia.

4

Saiatuko zen bere haurrari
zuen on dena ezartzen,
aparta gendun garbitu eta
seaskan goxoki jartzen.
Gaezan ere ongi zekien
uneoro zer behar zen.
Begiak ixten zituen baina
senak ez zion lo hartzen.

5

Bazuen hainbat baliabide
gu sentitzeko eroso,
bihotz handi bat izateaz gain
bi bular eta bi beso.
Gose baginen elikatu ta
erortzen baginen jaso,
aita ezin da ahaztu baina
ama da egizko guraso. ■

Doinua: Haizak nik hiri bota behar diat.



Erakusketa: 2014-2-8 / 2014-5-25
San Telmo Museoa

GALIARREN ARON

CESAR AURREKO
AKITANIA

Bisitak eta jarduerak: www.santelmomuseoa.com

